



**ATASSUT**

**UPA14/105-1**

**Knud Kristiansen**

**10.04.2014**

**Siunissami portørit nakorsaatinik anniarunnaarsitsisartunik nakorsaasiisinnaangorlugit portøritut ilinniartitaanerup annertusineqarnissaannik aallartitsinissamik Naalakkersiusut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Doris Jakobsen, Siumut)

ATASSUT-miit siunnersuut pillugu imaattumik oqaaseqaateqassaagut.

Nunatsinni portørinut ilinniartitaaneq nutaajusutut oqaatigineqarsinnaavoq. Aammalu ilinniartitaanerit qiviassagaanni ilinniartitaanernut allanut sanilliullugu sivikinneruvoq. Ulluinnarni naliginnaasumik angallassinert, peqqinnissaqarfiullu iluani sullissinerit assigiinngitsut ingerlanneqarnerannut tunngalluni.

ATASSUT-miit Naalakkersuisut akissutaat maluginiarparput, tassani Peqqissaanermik Ilinniartuup naliliinera aamma maluginiagassaavoq.

Siunnersuutip atuutilersinnaanerani portørit ilinniartitaanerit qanoq sivitsorneqassanersoq, aammalu atuagarsornikkut pisariaqartitat qanoq annertutiginissaat uani nalilersoruminaatsipparput. Kiisalu aamma nunatsinni sumiiffiit eqqarsaatigalugit tunngaviusumik annertusisamillu ikiueqqaarnikkut ilinniartitaanerit maannamut tungitsinniit apeqqusinngilarput.

Taamatut naatsumik oqaaseqarluta Naalakkersuisut akissutaat tunngavigalugit tusaatissatut tiguagut.